



উপজেলা পরিক্রমা

বেলকুচি

॥ সংবাদদাতা ॥

সিরাজগঞ্জ জেলার নিকটবর্তী উপজেলা বেলকুচি। লোক সংখ্যা ১,৮৭,৪১৪ জন। এর মধ্যে পুরুষ জনসংখ্যা ৯৮,১৪৯, মহিলা জন সংখ্যা ৮৯,২৬৫ জন। বেলকুচির গ্রামের সংখ্যা ১৫১টি। আয়তন ৬০.৭৬ বর্গমাইল। তাতশিল্পের জন্য বেলকুচি বিখ্যাত। ঘরে ঘরে তাতশিল্প বেলকুচির ঐতিহ্য। কৃষি কাজের চেয়ে অত্র এলাকার মানুষ তাতশিল্পের উপরই বেশী নির্ভরশীল।

যোগাযোগ
জেলা সদরের সাথে যোগাযোগের একমাত্র রাস্তা ঢালা রোড। সিরাজগঞ্জ থেকে বেলকুচিগামী এই রাস্তাটির যদিও সংস্কার করা হয়েছে তবুও সীমিত সংখ্যক বাসে জনসাধারণকে অতি কষ্টে যাতায়াত করতে হচ্ছে। তাই তামাই থেকে জামতুলগামী রাস্তাটি দীর্ঘদিন অবহেলিত অবস্থায় পড়ে আছে।

কৃষি
বেলকুচি উপজেলায় কৃষি জমির পরিমাণ ২৬,৪৮৪ একর। অকৃষি জমির পরিমাণ ১২,৪০০ একর। কৃষি জমির সহায়ক যন্ত্রপাতির মধ্যে গভীর নলকূপ রয়েছে ১টি, শ্যালো মেশিন ৩৪৮টি। বেলকুচি উপজেলার প্রধান উৎপন্ন ফসলের মধ্যে রয়েছে ধান, পাট, সরিষা, বেশারী, গম, রাই ইত্যাদি।

শিক্ষা প্রতিষ্ঠান
বেলকুচি উপজেলায় কলেজ ১টি, হাই স্কুল ১০টি, গার্লস স্কুল ২টি, জুনিয়র স্কুল ৬টি, মাদ্রাসা ১৫টি, সরকারী প্রাইমারী স্কুল ৮০টি, বেসরকারী প্রাইমারী স্কুল

৬টি। অত্র উপজেলার জনসাধারণ মাদ্রাসা শিক্ষার উপর বেশী যত্নবান। চিকিৎসা চিকিৎসায় বেলকুচি উপজেলা জেলার অন্যান্য উপজেলার চেয়ে খুবই উন্নত। ৮ জন ডাক্তার দ্বারা বেলকুচি হাসপাতালটি পরিচালিত হয়ে আসছে। হাসপাতালের পরিবেশ চমকপ্রদ। বেলকুচি হাসপাতালে X-Ray মেশিন আছে। একটি অত্যাধুনিক এ্যাম্বুলেন্স বেলকুচিবাসীর বিপদের বন্ধুর ন্যায় কাজ করছে।

শিল্প প্রতিষ্ঠান
বেলকুচি উপজেলার প্রায় প্রতি ঘরে ঘরেই তাতশিল্প গড়ে উঠেছে। বেলকুচি উপজেলায় তাতশিল্পের মধ্যে রয়েছে হস্তচালিত কারখানা ৮,৫১৭টি, শক্তিচালিত কারখানা ১০০টি। সূতা বিতরণের অনিয়মের ফলে গরীব তাতীদের ভোগান্তি পোহাতে হয়।

হাট-বাজার
বেলকুচি উপজেলায় হাট-বাজার মোট ১০টি। হাট-বাজারগুলো পরিচ্ছন্ন। কাপড় বিক্রি করার জন্য মুকুন্দগাতী হাটটি বৃহৎ। বেলকুচি উপজেলার হাট-বাজারগুলোতে নিজ প্রয়োজনীয় দ্রব্যাদি পাওয়া যায়।

বিদ্যুৎ, টেলিযোগাযোগ ও ডাক
নামে মাত্র বিদ্যুৎ ব্যবসা থাকলেও অধিকাংশ সময়ই বিদ্যুৎ বিহীন থাকে। বিদ্যুৎ বিহীনতার জন্য জনসাধারণ ব্যবসা-বাণিজ্য থেকে শুরু করে সর্বস্তরে অশান্তিতে ভুগছে। বেলকুচিতে টেলিফোন এক্সচেঞ্জ রয়েছে ১টি এবং ১৫টি পোস্ট অফিস আছে।